

مارنگ گوجری نیوز بولیٹن 8 دسمبر 2025

VADE MATRAM

قومی گیت وندے ماترم غی 150 ویں سالگرہ ور ایک خصوصی مباحثو اج لوک سبھا مانہہ شروع وے غو۔ سرکاری ذرائع غے مطابق وزیر اعظم نریندر مودی لوک سبھا مانہہ بحث غو آغاز کرینگا اس بحث واسطے 10 گھنٹہ مختص کیا گیا بی دوا ہفتے ذرائع ابلاغ سنگ گل بات کرتا واں پارلیمانی امور غا وزیر کر رجیجو نے دسیو جے پورا دن غی بحث دوپہر 12 بجے شروع وے غی اُنہاں نے مزید کہیو جے سپیکر لوک سبھا اوم برلا غے زیر صدارت ہون آلی کل جماعتی میٹنگ مانہہ فیصلو کیو گیو جے وندے ماترم ور بحث 8 تاریخ نانہہ وے غی۔ جدکہ انتخابی اصلاحات ور بحث 9 دسمبر نانہہ کی جے غی۔

IIT JAMMU HACKATHON

آئی آئی ٹی جموں مانہہ اج تیں سمارٹ انڈیا بیکا تھون 2025 غو گرینڈ فائنل شروع بو گیو جے جھڑو 9 دسمبر توڑی چلے غو۔ یوہ دو جو سال بے جد آئی آئی ٹی جموں اس بڑا قومی مقابلہ غی میزبای کر رہیو بے۔ ملک پھر تیں آیا وا 20 فائلسٹ ٹیم نانہہ 4 اہم مسائل ور کم کرنو بے تے اُن غو حل تیار کرنو بے۔ وزیر اعظم نریندر مودی وی طلباء تیں خطاب کریں غے تے گل بات وی کریں غے۔ افسراں غو کہنو بے یاہ تقریب نوجواناں واسطے اپنا ایجادات تے اپنا کوڈنگ ہنر نانہہ دسن واسطے ایک بڑو پلیٹ فارم بے۔

HIDEOUT BUSTED DODA

ضلع ڈوڈہ غا ٹھانہرہ علاقہ مانہہ اتوار نانہہ حفاظتی دستاں غی طرفوں ایک سانجھو تلاش اپریشن چلايو گیو جس دوران اُنہاں نے کامیابی سنگ دہشت گرداں غا ایک ٹھکانہ نانہہ تباہ کیو بے اس کاروائی غے دوران جموں کشمیر پولیس غا خصوصی اپریشنل گروپ نے پہاری مقدار مانہہ اسلحو تے گولی بارود برآمد کیو جھڑو کہ دہشت گرداں غی تخریجی کاروائیاں مانہہ استعمال بوسکے تھو جس نانہہ بچایو گیو پولیس عہداراں غو کہنو بے جے یاہ برآمدگی علاقہ ماہ امن و استحکام برقرار رکھن مانہہ ایک بڑی کامیابی بے اس سلسلہ مانہہ متعلقہ پولیس سٹیشن مانہہ مناسب دفعات غے تحت معاملو درج کرلیو گیو بے تے ایسی کمی گاہ قائم کرن مانہہ ملوث افراد غی پشان بارے مزید تحقیقات جاری بے۔

DGP KATRA

ڈائریکٹر جنرل پولیس نلین پرہات نے ضلع ریاسی مانہہ واقع ماتا ویشنو دیوی شرائین غا حفاظتی انتظامات غو جائیزو لیو بے اپنا دورہ غے دوران ڈی جی پی نے جموں کشمیر پولیس سی آر پی ایف تے شرائین بورڈ غا افسراں غے سنگ ایک سانجی میٹنگ کی تاجے کٹڑہ تے اس غا قول قال غا علاقان مانہہ حفاظتی تیاریاں غو جائیزو لیو جاسکے اُنہاں نے یاتریاں غی حفاظت نانہہ یقینی بنان واسطے چوکسی بدھان ور زور دتو عہدے داراں نے دسیو جے اس جائیزہ غو مقصد حفاظتی ایجنسیاں غے بشکار ہم آہنگی نانہہ مضبوط کرنو تے یاترہ غا پُر سکون تے محفوظ انعقاد واسطے مزید اقدامات نانہہ بہتر بنانو بے۔

BRO POOCH

تیں سی۔آر۔پی گُتا نانہہ جوڑن آلی 4عشاریہ 8کلو میٹر سڑک غو گزشتہ khet پونچھ ضلع مانہہ روز مجازی طور ور افتتاح وزیر دفاع راج ناتھ سنگھ نے کیو۔ یاہ سڑک بی۔آر۔او نے بنائی ہے۔ اس نوی سڑک تیں سفر مانہہ آسانی وے غی، دور دراز علاقاں توڑی پہنچ بہتر وے غی تے مقامی لوکاں غی معاشی سرگرمی بدھیں غی۔ ڈپٹی کمشنر اشوک کمار شرما نے کہیو کہ بی۔آر۔او غا جاری منصوبہ سرحدی ضلع مانہہ رابطہ نانہہ بہتر بنان تے لوکاں غی زندگی نانہہ آسان کرن مانہہ اہم کردار ادا کرے۔

JASMINE ROOM FRESHNER

مرکز غی پی ایم دھن دھنیہ کرشی یوجنا غے تحت ملک غا مختلف ضلع مانہہ مقامی زرعی مصوعات نانہہ بڑھاوو دتو جاریوو ہے تانجے دیہی لوکاں غی کمائی بہتر ہوسکے۔ جموں کشمیر غا کشتواڑ ضلع مانہہ کساناں نے اپنی کاشت غی بوئی خوشبو دار جاسمین تیں ایک جاسمین روم فریشر تیار کیو ہے افسراں غے مطابق اس روم فریشنر غا کئی فائداں ہیں اس غی قدرتی ذہن نانہہ سکون دے۔ کمرہ غی ہوا نانہہ تازہ رکھے۔ کہراں تے بکھ بکھ پروگراماں واسطے فائدہ مند ہے۔ حُکام نے لوکاں تیں اپیل کی ہے کہ ایسا مقامی کساناں غی بنائی بوئی اشیاء خریدیں تانجے ان غی آمدنی بدھے تے دیہی ترقی نانہہ فروغ لے۔

WEATHER UPDATE

جموں اس وقت خشک تے سرد موسم غی لپیٹ مانہہ ہے محکمہ موسمیات غے مطابق گُج اوچا علاقاں مانہہ اچ ہلکی برفباری غا مختصر وقفہ غو امکان ہے 9 تیں 13 دسمبر تک موسم جُزوی طور ور ابرآلود رہن غی توقع ہے جدکہ رات سرد تے دن ٹھنڈہ رہیں گا عہدیداراں نے شہریاں نانہہ مشورو دتو ہے جے وے گرم رہن تے ضروری احتیاطی تدابیر اختیار کریں خصوصاً اوچا علاقاں مانہہ رہن آلا لوک کیونجے یوہ خطو موسم سرما غی شدت محسوس کر رہیو ہے شہریاں تیں اپیل کی گئی ہے جے وے محتاط رہن تے مقامی موسم غی تازہ ترین اطلاعات ور نظر رکھیں۔
